

本艸經疏卷九

艸部中品之下

總七十八種今疏其要者三十六種又移入木部

一種果部一種菜部四種

艾葉

惡實

水萍

王瓜

地榆

大小薊

海藻

澤蘭

地筍

昆布

防己

天麻

阿魏

高良薑

百部根

藜香子

欬冬花

紅藍花

牡丹

京三稜

薑黃

青黛

鬱金

蘆薈

延胡索

肉豆蔻

補骨脂

縮砂蜜

蓬莪茂

本艸經疏卷九

艸部中品之下

總七十八種今疏其要者三十六種又移入木部

一種果部一種菜部四種

艾葉

惡實

水萍

王瓜

地榆

大小薊

海藻

澤蘭

地筍

昆布

防己

天麻

阿魏

高良薑

百部根

藜香子

欬冬花

紅藍花

牡丹

京三稜

薑黃

青黛

鬱金

蘆薈

延胡索

肉豆蔻

補骨脂

縮砂蜜

蓬莪茂

白前 白藥子 莎艸根 胡黃連

鱧腸 使君子 白豆蔻 剪艸

藿香 木部移入 豆蔻 果部移入 假蘇蘇

香薷 薄荷 已上菜部移入

艾葉味苦微溫無毒主灸百病可作煎止下痢吐血下

部蠱瘡婦人漏血利陰氣生肌肉辟風寒使人有子作

煎勿令見風 引景搗汁止傷血殺蛇蟲蘇恭止衄血下血膿血痢主崩血金瘡安胎苦酒作煎治

癰大明治婦人帶下霍亂轉筋

疏艾葉稟天地之陽氣以生故味苦微溫熟則大熱

可升可降其氣芳烈純陽之艸也故無毒入足太陰

厥陰少陰三經燒則熱氣內注通筋入骨故灸百病



性能通竅辟惡殺鬼精故止鬼擊吐血芳烈之氣必燥故主下部蠱瘡其治婦人漏血利陰氣生肌肉者皆以之導引涼血補血藥爲用者也使人有子蓋指氣血兩虛之人風寒乘虛入子宮不孕者設也辟風寒其性辛溫也搗汁服止傷血者生寒而兼辛散也殺虬蟲者辛而苦也主衄血者傷寒邪熱鬱而不汗則發衄也風邪入大腸則下血溼熱傷脾胃則下痢膿血煮則上升故亦止崩漏也理金瘡血熱則行也胎爲風寒之氣所犯則不安風寒散則胎自安也苦酒作煎治癰甚良者殺蟲之功也治婦人帶下溫中除溼而升也止霍亂轉筋者因寒而得也爲治白帶



之要藥調經之妙品故婦人方多須之

主治參互

艾葉能灸百病陳久者良 入紅鉛蒸臍補陽虛溫

脾胃 治婦人月事不調血少無熱證者同香附醋

浸入四物湯加阿膠枳殼神效 金匱要略婦人有

漏下者有半產後下血不絕者有妊娠下血者並以

膠艾湯主之阿膠二兩艾葉三兩芍藥甘草各二兩

當歸地黃各三兩芍藥四兩水五升清酒五升煮取

三升內膠令消盡每溫酒一升日三服 妊娠產後

血虛人作痢下血用膠艾湯斬艾阿膠白芍藥人參

橘皮甘草胎前加黃芩產後入當歸 燒烟入管中



熏狐惑蟲蜜良 非時不正之氣傷人發爲頭痛壯
熱因於寒者用乾艾葉三升水一斗煮取一升頓服
取汗出肘後方 婦人良方治妊娠風寒卒中不省
人事狀如中風用熟艾三兩米醋和炒極熱以絹包
熨臍下良久卽解 虻蟲咬或心痛如刺口吐清水
白熟艾一升水三升煮取一升服吐蟲出或取生艾
搗汁五更先食香脯一片乃飲一升當下蟲出 驚
掌風用蘄艾五兩水四五碗煮五六滾入大口瓶覆
以麻布二層熏掌心如冷頓熱再熏如神 發背初
起急灸瘡頭不痛灸至痛痛灸至不痛奪命神方也
縱潰毒氣外洩不致內攻矣若未潰瘡頭用溼紙貼



本艸綱目 卷九
上看先乾處是也卽於此灸 廉瘡年久口冷不合者用艾烟熏之

簡誤

艾性純陽善辟風寒溼氣及非時邪氣然性氣芳烈而燥熱凡婦人胎動不安由於熱而不由於寒妊娠下痢膿血由於暑溼腸胃熱甚而非單溼爲病崩中由於血虛內熱經事先期由於血熱吐血不由於鬼擊中惡霍亂轉筋不由於寒邪而由於脾胃虛弱停滯或傷暑所致不孕由於血虛而不由於風寒入子宮法竝忌之

惡實味辛平主明目補中除風傷



疏惡實至秋而成得天地清涼之氣本經言辛平藏器兼苦升多於降陽也入手太陰足陽明經爲散風除熱解毒之要藥辛能散結苦能洩熱熱結散則臟氣清明故明目而補中風之所傷衛氣必壅壅則發熱辛涼解散則表氣和風無所留矣故除風傷藏器主風毒腫諸癰元素主潤肺散結氣利咽膈去皮膚風通十二經者悉此意耳故用以治癰癰痘瘡尤獲奇驗

主治參互

同赤梔木爲癰家要藥 同浮萍等分爲末治風熱癰癰薄荷湯下每服二錢日進二服 同紫艸犀角

生地黃治天行痘瘡血熱乾枯不得出有神 痘癰

要訣治咽喉痘瘡牛旁子二錢桔梗一錢五分粉艸

節七分水煎服 和劑局方治痘瘡出不快時壯熱

狂躁咽膈壅塞大便秘澀小兒咽腫不利牛旁子炒

一錢二分荊芥穗二分甘艸四分水煎溫服已出亦

可服名必勝散若大便利者勿用 延年方治風齩

牙疼單用一味煎湯含漱吐去 袖珍方治便癰腫

痛用牛旁子二錢炒研入蜜一匙朴消一匙空心溫

酒服 劉禹錫傳信方療暴中風用緊細牛旁子根

取時避風以竹刀或荊刀刮去土用生布拭了搗絞

取汁一大升和蜜四大合溫分二服得汗出便瘥

簡誤

惡實性冷而滑利痘瘡家惟宜於血熱便閉之證若
氣虛色白大便自利或泄瀉者慎勿服之痧癰不忌
泄瀉故用之無妨癰疽已潰非便閉不宜服

水萍味辛酸寒無毒主暴熱身癢下水氣勝酒長鬚髮
主消渴下氣以沐浴生毛髮久服輕身一名水花

〔疏〕水萍專得水氣之清陰故味辛氣寒別錄兼酸無
毒蓋其體輕浮其性清燥能祛溼熱之藥也熱氣鬱
於皮膚則作癢味辛而氣清寒故能散皮膚之溼熱
也寒能除熱燥能除溼故下水氣酒性溼熱而萍之
質不沈於水其氣味辛寒輕清而散故能勝酒血熱



則鬚髮焦枯而易墮涼血則榮氣清而鬚髮自長矣
別錄主消渴者以溼熱之邪去則津液自生而渴自
止也其曰下氣以沐浴生毛髮者亦以寒能除熱涼
血之驗也熱邪不干榮氣清旺則能獲輕身矣

主治參互

蘇頌曰治惡疾癘瘡徧身者濃煮汁浴半日多效

聖惠方少年面皰按浮萍盪之亦可飲汁少許 干

金翼方治小便不利膀胱水氣流滯浮萍日乾爲末

服方寸匕日二服良 子母秘錄風熱丹毒浮萍搗

汁傅之令徧 去風丹採浮萍詩曰天生靈艸無根

幹不在山間不在岸始因飛絮逐東風汎梗青青飄



水面神仙一味去沈疴采時須在七月半選甚癰風
與大風些小微風都不算豆淋酒化服三九鐵撲頭
上也出汗其法以紫背浮萍曬乾爲細末煉蜜九彈
子大每服一九以豆淋酒化下治癰瘰三十六種風
有驗

簡誤

表氣虛而自汗者勿用

王瓜味苦寒無毒主消渴內疸瘀血月閉寒熱酸疼益
氣愈聾療諸邪氣熱結鼠癰散癰腫留血婦人帶下不
通下乳汁止小便數不禁逐四肢骨節中水療馬骨刺
人瘡 一名土瓜



疏王瓜稟土中清肅陰寒之氣故味苦氣寒而無毒
其能除溼熱熱毒大約與栝樓性同故其主治內疽
消渴邪氣熱結鼠癭癰腫等證皆與栝樓相似而此
則入血分諸病爲多耳簡誤主治與栝樓亦略相當
不復贅

地榆味苦甘酸微寒無毒主婦人乳痃痛七傷帶下五
漏止痛除惡肉止汗療金瘡止膿血諸癰惡瘡熱瘡消
酒除消渴補絕傷產後內塞可作金瘡膏得髮良

惡麥

門冬

疏地榆稟地中陰氣而兼得乎天之微陽故味苦甘
酸氣則微寒而無毒氣薄厚味沈而降陰也入足腎



陰少陰手足陽明經婦人乳痼痛者厥陰肝經有熱
以致血分熱壅所致也七情傷於帶脈故帶下也五
漏者陽明大腸溼熱傷血病也血熱則腫而作痛惡
肉者亦血熱極則瘀故腫而成惡肉也傷則出血血
出必發熱而作痛金瘡是也膿血不止皆血熱所致
諸癰惡瘡莫不由血熱所生苦寒能涼血洩熱熱散
則血活腫消故竝主如上諸疾也性行而帶補味兼
甘酸故補絕傷及產後內塞也消酒除渴明目止純
血痢疳痢極效治腸風者皆善祛溼熱之功也沈寒
入下焦故多主下部溼熱諸病

主治參互



地榆得金銀花等分佐以芍藥甘艸枳殼黃連烏梅

治血痢如熱在心經下利純鮮血則加生犀角汁十

五匙神驗 綿地榆四兩爲君加金銀花兩許鮫鯉

甲三片土炒研細水洒煎濃空心溫熱服治橫痃魚

口有神雖甚四服無不消者若已成膿更加鹽水炒

黃耆五錢白芷二錢主速潰易合去鮫鯉甲并加牛

膝木瓜殭蠶黃檗治下疳陰蝕極效 聖惠方治婦

人漏下赤白不止令人黃瘦地榆三兩米醋一斤煮

十餘沸去滓食前稍熱服一合 崔元亮海上方治

赤痢骨立者地榆一斤水三升煎一升半去滓再煎

如稠飭絞濾空腹時服三合日再服 活法機要治



久病腸風痛癢不止地榆五錢蒼朮一兩水二鍾煎
一鍾空心服一日一服 肘後方治下血不止二十
年者地榆鼠尾艸各二兩水二升煮一升頓服若不
斷以水漬屋塵飲一小杯投之 宣明方治結陰下
血腹痛不已地榆四兩炙甘艸三兩每服五錢水一
盞入縮砂七枚煎半盞分二服 肘後方治小兒疳
痢地榆煮汁熬如飴糖與服便已 千金方治大指
腫痛地榆煮汁漬之半日愈

簡誤

地榆性寒而下行凡脾胃虛寒作泄白痢久而胃弱
胎產虛寒泄瀉血崩脾虛作泄法竝禁服

大小薊根味甘溫主養精保血大薊主女子赤白沃安胎止吐血鼻衄令人肥健

〔疏〕大薊根稟土之冲氣兼得天之陽氣故味甘氣溫而無毒日華子涼當是微寒陶云有毒誤也女子赤白沃血熱所致也胎因熱則不安血熱妄行溢出上竅則吐衄大薊根最能涼血血熱解則諸證自愈矣其性涼而能行行而帶補補血涼血則榮氣和榮氣和故令肥健也

主治參互

大薊葉得地榆茜艸牛膝金銀花治腸癰腹癰少腹癰生搗絞汁入前四味濃汁和童便飲良得炒蒲

